

A Mesa do Parlamento, na súa sesión do día 4 de febreiro de 2025 adoptou os seguintes acordos:

## **PUNTO 2.º- COMPOSICIÓN DO PARLAMENTO, RÉXIME E GOBERNO INTERIOR, ORGANIZACIÓN E FUNCIONAMENTO**

### **4. Administración do Parlamento de Galicia**

#### **4.1. Asuntos económicos e contratación**

##### **4.1.2. Prórroga do contrato do servizo para o mantemento xeral do edificio e o recinto do Parlamento de Galicia e das súas instalacións, equipamentos e dependencias (SRI-PA-6/2021).**

Examínase a proposta da xefatura do Servizo de Persoal e Réxime Interior na que se indica:

1. O contrato foi adxudicado mediante Resolución da Presidencia do Parlamento de 5 de xaneiro de 2022, en virtude da delegación realizada pola Mesa do Parlamento mediante Acordo de 17 de agosto de 2020, e o Acordo de Mesa do Parlamento de Galicia de 18 de xaneiro de 2022 pola que se toma dación de conta da antedita Resolución. Foi formalizado o 14 de febreiro de 2022, entrando en vigor o día seguinte; ten unha duración de tres anos, polo tanto, una duración inicial prevista ata o 14 de febreiro de 2025.
2. Con data de 17 de xaneiro de 2025 a empresa adxudicataria achega escrito (nº rex.17701) de solicitude prórroga por un período de un ano, comprendido entre o 15 de febreiro 2025- 14 de febreiro 2026.

### **CONSIDERACIÓNS LEGAIS**

1.- O contrato ten carácter administrativo e se rexe polo establecido na Lei 9/2017, do 8 de novembro, de contratos do sector público (LCSP), e en canto non estea derogado, no Real Decreto 817/2009, do 8 de maio, que desenvolve parcialmente a Lei 30/2007, do 30 de outubro, de contratos do sector público e no Real decreto 1098/2001, do 12 de outubro, polo que se aproba o Regulamento xeral da Lei de contratos das administracións públicas.

2.- Ao teor do artigo 29 da LCSP, a duración dos contratos do sector público deberase establecer tendo en conta a natureza das prestacións, as características do seu financiamento e a necesidade de someter periodicamente a concorrência a súa realización, sen prexuízo das normas especiais aplicables a determinados contratos.

Os contratos de servizos de prestación sucesiva terán un prazo máximo de duración de cinco anos, incluídas as posibles prórrogas que acorde o órgano de contratación.

O contrato poderá prever unha ou varias prórrogas sempre que as súas características permanezan inalterables durante o período de duración destas.

Intervención e Asuntos Económicos  
Servizo de Persoal e Réxime Interior



3.- A posibilidade da prórroga preveuse expresamente no prego de cláusulas administrativa desta contratación e tívose no seu momento en conta para a determinación do seu valor estimado e, polo tanto, para a elección do procedemento de adxudicación.

Ao tenor da cláusula terceira do contrato, a duración do contrato estenderase por tres anos desde o día seguinte a súa formalización, podendo ser obxecto de prórroga polos períodos sucesivos que acorde a Mesa do Parlamento ata un máximo de dous anos máis.

4.- O prezo máximo do contrato para os tres anos de duración inicial fíxase nun total de cento sesenta e nove mil oitocentos corenta e sete euros e setenta céntimos (169.847,70 €) IVE engadido, segundo o seguinte detalle:

- Prezo do servizo:..... 140.370,00 €.  
- IVE: ..... 29.477,70 €.  
- Total: ..... 169.847,70 €.

O prezo aboarase en cotas mensuais, segundo o servizo realizado.

- Prezo mensual do servizo: ..... 3.899,16 €.  
- IVE: ..... 818,82 €.  
- Total: ..... 4.717,98 €.

Segundo a cláusula segunda do contrato, o prezo non pode ser obxecto de revisión, polo tanto no caso de prórroga, o prezo seguirá sendo o mesmo.

5.- Consta no expediente certificados, nesta data, de estar ao corrente de débedas tributarias coa Axencia Estatal e coa Axencia Tributaria de Galicia, e de débedas coa Seguridade Social.

6.- Seguen vixentes as necesidades que se pretendían cubrir co contrato, dado que a prestación que se contrata é allea ao traballo propio da Administración do Parlamento, non se conta cos medios persoais coa cualificación e formación necesaria para xestionar e atender este servizo directamente. Legalmente se esixe unha habilitación empresarial específica e unha cualificación profesional, coa que non conta a Administración parlamentaria. Polo tanto, continúan as razóns de interese público que xustificaron o inicio deste expediente de contratación.

7. Como responsable do contrato acredito que a execución do contrato estase producindo con normalidade e segundo o establecido nos pregos.

Dado que na prestación obxecto do contrato seguen vixentes as necesidades que se pretendían cubrir co contrato, e polo tanto, as razóns de interese público que xustificaron o inicio deste expediente de contratación.

Visto o informe favorable emitido pola letrada respecto da prórroga, e fiscalizado de conformidade o expediente pola intervención da Cámara considerando que se debe contar co



crédito na partida de aplicación orzamentaria correspondente segundo o seguinte detalle para o tempo de prórroga indicado:

-2025 (do 15/2 ao 31/12): 49.538,80€

-2026 (do 01/01 ao 14/2: o resto

a Mesa adopta o seguinte ACORDO:

1º) Prorrogar o contrato para o servizo para o mantemento xeral do edificio e o recinto do Parlamento de Galicia e das súas instalacións, equipamentos e dependencias, por un ano, dende o 15 de febreiro 2025 ata o 14 de febreiro 2026, inclusive, cun prezo mensual do servizo de 4.717,98 € (IVE incluído).

2º) Notificarlle este acordo á empresa.

3º) Comunicarlle este acordo aos Servizos de Persoal e Réxime Interior e á Intervención e Asuntos Económicos.

4º) Publicar o acordo no perfil do contratante do Parlamento de Galicia.

Santiago de Compostela, 5 de febreiro de 2025

Xosé Antón  
Sarmiento Mendez,  
Letrado Oficial Maior

Firmado digitalmente por Xosé Antón  
Sarmiento Mendez, Letrado Oficial Maior  
Nombre de reconocimiento (DN): cn=Xosé  
Antón Sarmiento Mendez, Letrado Oficial  
Maior,  
email=xsarmiento@parlamentodegalicia.gal  
Fecha: 2025.02.05 13:16:04 +01'00'

Xosé Antón Sarmiento Méndez  
Letrado oficial maior



Asinado dixitalmente por:



**PARLAMENTO DE GALICIA**  
**REXISTRO XERAL SAÍDA**  
**Data asento: 05/02/2025 13:16:35**  
**Nº Rexistro: 5239**  
Data envío: 05/02/2025 13:16:35.666

Xosé Antón Sarmiento Mendez, Letrado Oficial Maior na data 05/02/2025 13:16:04



Asinado dixitalmente por:

REXISTRO ELECTRÓNICO na data 05/02/2025 13:16:35



**PARLAMENTO DE GALICIA**  
**REXISTRO XERAL SAÍDA**  
**Data asento: 05/02/2025 13:16:35**  
**Nº Rexistro: 5239**  
Data envío: 05/02/2025 13:16:35.666

CSV: REXPG-CiaBiCY6Z-3  
Verificación:  
<https://sede.parlamentodegalicia.gal/tramites/csv/>

